CBETA電子佛典集成

CBETA Chinese Electronic Tripitaka Collection ebook

T14n0477

佛說大方等項王經

西晉 竺法護譯

目次

- 編輯說明章節目次
- 券目次001贊助資訊

編輯說明

- 本電子書以「CBETA 電子佛典集成 Version 2023.Q1」為資料來源。
- 漢字呈現以 Uni code 3.0 為基礎,不在此範圍的字則採用組 字式表達。
- 梵文悉曇字及蘭札字均採用羅馬轉寫字,如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題,歡迎來函 service@cbeta..org 回報。
- <u>版權所有</u>,歡迎自由流通,但禁止營利使用。

No. 477 [Nos. 478, 479] 佛說大方等頂王經(一名維摩詰子問)

西晉月氏三藏竺法護譯

聞如是:

一時,佛遊於維耶離奈氏樹園,與大比丘眾俱,比丘八百,菩薩一萬一一切大聖神通以達,悉得總持、辯才無礙,攝三世慧至三達智,空無相願不中取證,行於大慈、奉無蓋哀,不計吾我以度彼岸;通于三世無去來今,曉一切法如幻、化、夢、影、嚮、野馬、芭蕉、水泡聚沫,解于三處本無所有從緣對生,有利無利、若譽若謗、得名失譽、若苦若樂,以過世間之所有法,因權方便周旋三達,以超欲界、色界、無色界,解暢道義救度一切;諸天來侍,諮受深法,開發愚心悉入道明。

爾時世尊,明旦著衣持鉢,入維耶離城分衛,至維摩詰舍。時維摩詰有子,名曰善思,明旦沐浴以香塗身,體著新衣手執蓮華,與妻室俱上樓閣,觀作妓相娛,宿命德本之所感應。遙見佛來,與聖眾俱入城分衛,現大瑞變,以偈語妻,所說雅頌歌佛功德:

眾妓在其處, 速徹樓閣上; 大雄來不疑, 護世演光輝, 蹈於城門關。 必以足右指, 百鳥諸禽獸, 發哀悲和聲, 從古未曾閏, 如是諸妙鄉; 欲導利眾生, 大雄來不疑, 以安著門閣。 今舉右足指, 我今日 親佛, 插簪瓔珞身, 眾妓不鼓鳴, 微妙可悅心; 三千聖無疑, 威德淨莊嚴, 必以右足指, 蹈于城門閩。 譬如有大鉢, 著池河水至, 則聞調和音, 周遍其十地; 人中天無疑, 大聖演尊光, 佛開導世間, 定來入城門。 神涌化眾生, 猶樹華茂盛, 若干色芬葩, 流布極美香; 大龍無所疑, 誓願建立本,

今以右足指, 安於城門關。 普照干虚空, 周遍於天地, 日明為以蔽, 永不復現光; 一切尊無疑, 現威大晃耀, 安於城門閩。 今以右足指, 猶如諸天人, 住於虛空中, 如天侍梵王; 眾庶佛後從, 愍傷世無疑, 尊人聖導師, 安於城門關。 今以右足指, 今日觀城人, 各慈向不恨, 如父母子孫; 展轉相示談, 德光無沈吟, 福威自莊嚴, 安於城門閩。 今以右足指, 各執若干花, 察男女大小, 叉手而自歸, 歡悅搖散花; 大導無猶豫, 德花嚴飾身, 今以右足指, 安於城門關。 諸天人間華, 遍布于虚空, 散華而燒香, 其香可意悅; 大勇無疑結, 欲入維耶離, 最勝故到此。 因化悅大眾,

爾時善思妻室,聞說是言心中抱恐,衣毛為竪身內和涼,住於蘭邊心自念言:「是何等神?為天、龍、鬼魅、反足手、真陀羅、摩休勒、人非人耶?口宣人語。」在其處所,不動不搖、不敢移轉。時佛往詣善思童子所居里中,在於舍邊,立在門前。善思童子見佛世尊,即欲下樓閣往自奉迎,心中喜悅不能自勝,已投樓下承佛聖旨,住於虛空以偈歎佛:

「聖慧尊且住, 人中雄愍待, 用哀眾生故, 唯受斯水漿。」

於是世尊,為善思說偈言:

「以住真本際, 世俗所不達, 彼際無所有, 是為本際相。」

善思童子以偈問佛:

「云何住本際? 真本際化導, 無明之猗際, 何謂立虛無?」

時佛復以偈告善思曰:

「其際真本際, 是際則如來, 如審住本際, 了了住如是; 如際真本際, 斯則如來際, 猶了真本際, 童子住亦然。」

善思童子復以偈白佛言:

「無際際何際, 何所是際相?以何權方便, 名曰為本際?」

於是世尊,覩見善思心欲暢了解道無處,告於善思童子,以偈報曰:

「無際不可待, 乃曰真本際, 其際相虛空, 虛空亦無相。」

善思為佛說偈問言:

「甚哉真正處, 其處玄無上, 使一切眾生, 住如今導師!」

時善思童子前白佛言:「世尊垂愍,受斯蓮華。」佛便受之。善思童子口身發言:「以是功德致無上正真之道,成最正覺;為諸眾生班宣經典,令不得至凡夫之法,不至道法。」爾時賢者舍利弗,亦在會中,謂善思童子:「於善思心所趣云何?所成正覺,法何所像?欲為眾生而班宣之。」 善思以誦答說偈言:

「佛志無所得, 諸聲聞亦然, 當成斯正覺, 為眾生班宣。 彼無所向說, 亦復無所致, 大智當解斯, 本淨明如是。 過去諸正覺, 護世無上尊, 亦不得諸法, 導世因滅度; 計求無法界, 亦無眾生界, 是則為本際, 世俗所不暢; 假號曰世界, 人猗相名號, 亦無諸所想, 更無有異業。

爾時邠耨文陀尼子,為善思童子說是偈言:

「童子卿云何, 而欲學斯法? 是處深難逮, 明者所迷惑。 仁生來久如, 智慧獨勇猛, 與聲聞談語, 卒對慧無畏; 處處能分別, 所住像紫金, 立王路巍巍, 猶虛空月盛。」

時善思童子以偈答言:

「唯仁問所生, 所生無所生, 諸法無所起, 誰當復生者? 其法無所生, 自然無所有, 是日本清淨, 無法無所得。 諸法本清淨, 未曾能得是, 佛故說是法。 以斯無明慢, 第一轉此輪, 在於仙人野, 多存聲聞業, 係志在虚空; 宣暢法音響, 為眾多辯才, 以權來聖慧, 宣說如審諦; 有牛乃終沒, 斯愚之行無, 處在顛倒業, 如邠耨所說。 是為方俗言, 以牛有老死, 其法無言辭, 託假诰言教。」

爾時賢者邠耨文陀尼子前白佛言:「至未曾有,世尊!今是善思童子,深入智慧巍巍乃爾,所宣獨步眾所不逮。」

佛言:「如是如是!如邠耨言而無有異也。」時佛告菩薩善思童

子:「卿以何故,欲逮無上正真之道,為最正覺乎?」

善思答曰:「聖尊所明故復相問,用最大聖故被弘誓,大聖至仁因宣是語。我身寂然不有所為,以被弘誓悉無罣礙,無所開化爾乃名曰斯深上句。眾生無人亦然,其不或斯是等能度。至賢詳序深妙上句,曉了斯本真際本末,其以無數無有若干,解達深妙無上章句,以用法故化此眾生,其行各異誨無眾生。設無眾生彼一切空,無智智慧眾生本淨,以達本淨無有各異,以解斯義是世明智。唯然聖尊,我蒙解斯,自成正覺為眾說法。」

賢者阿難前白佛言:「至未曾有,是善思童子,辯才乃深入如是乎,乃能宣斯應順妙章,無所著句。天上世間凡庶眾人、阿須輪聞,必當恐怖不肯受學,誰當信樂此深妙法?往昔宿世曾聞學是深遠之行,爾乃信受。」於時阿難以偈歎曰:

「猶如須彌頂, 遠現微妙好, 今此善思德, 在眾妙如是; 若如眾山王, 堅住於大海, 今處斯眾中, 快宣此妙句。 善思所咨嗟, 說名不有無, 亦光於本際, 世俗所不觀; 其辭無所畏, 莫不敬歎者, 唯善思說之, 云何知本末。

善思以偈報曰:

「吾以棄身命, 被無罣礙鎧, 志不含正覺, 爾乃曰博聞。 猗欲故墮落, 合集極殃禍, 唯見世導師。 誰不墮災者, 護世所持濟, 是諸佛境界, 其身無所厄, 住於佛尊道。 虚空及人身, 二俱不可得, 如法不可得, 法懷無所畏; 真實無處所, 曉虚空佛身, 若成是忍辱, 永悉無所畏。 其虚空至地, 自然無所有, 是自然善思, 達悉無處所; 其虚空至地, 善思不可得, 無生無自然, 虚寂無所有; 虚空無有高, 亦復無有下,

以解了是法, 彼悉無所畏。」

爾時佛告善思童子:「仁者體性無所畏乎?」白佛:「不也。」 世尊佛復重問:「卿審不畏乎?」白曰:「不也。」 佛言:「善哉善哉!仁乃無畏,不懷恐懼。」時佛頌曰:

「從有而生畏,假現無所有,若能解是忍,爾乃近佛道。因人想有畏,眾生本永無,若能解如是,於斯無所住。 其不得正覺,無覺亦如斯,若餘無所獲,此儻無所畏;若能曉了斯,不住有無際,善思解如是,是為由佛道。」

佛告善思:「若有菩薩疾欲永安,逮無上正真之道,為最正覺者, 便當消除有常想、安想、苦想、眾生之想、人壽命想,分別解了無 所著行,悉無所猗。作是慕業,逮成無上正真之道也。佛往宿世行 菩薩業時,作是行道以,便懷來慧無能得法,乃曰佛道。」時佛頌 曰:

「解常想猶幻, 計常致生死, 常無常虛無, 求業無所有。 眾生有安想, 了不安自然, 是想為顛倒, 用想有人故。 若解了法者, 無有各各異, 則不懷望想, 無命無有人。 無道亦復然, 道明不得由, 法無所有故。 是乃日本淨, 若有明達者, 曉有悉本淨, 善思當解斯, 是為道正道。 不行干道乘, 佛乘所救濟, 若有人諍斯, 便不暢道法; 不行於慧業, 不為道所護, 用不順此行, 佛法深難解。 諸法無所法, 本悉無形貌, 所有亦虚無, 三界永不安。 計諸樂眾苦, 猶如行虚空,

若能思是行, 斯乃心解脫。 有身云吾我, 彼法亦虚無, 其不有吾我, 所知無所有。 斯等不想命, 不得究本末, 虚無想真實, 少明為辦惑; 吾我及壽命, 本淨無所有, 愚冥之所行, 計本淨而有。 佛道無思議, 不念是所有, 若聞深妙法, 不能受奉持。 未曾有班官, 如是經法者, 法不可逮得, 所說亦無獲。 坐於佛樹下, 因是成道慧, 若不致道慧, 則亦無所知。 亦無有言說, 佛道及慧場, 凡夫懷望想, 慕佛所演法; 佛所宣深妙, 斯則真實教, 其意覺甚深, 是為魔所行。 若有得聞是, 佛所說經典, 諸法所救護。 不解經義味, 菩薩甚勤苦, 不求道安隱, 於斯無道覺, 是二事無像。 有是佛所說, 意當倚慕斯, 是何此云何, 著於顛倒業; 若有過苦惱, 甚著於深妙, 快佛無思議。」 各稱舉大音,

佛復告善思:「學是法者當習深典,勿得志存雜句多辭無益之義,不成正真無極大慧;深遠之法乃曰優奧,是乃應法斯曰無得。眾生墮邪不能行斯,不用三昧可解利義。慧無境界,無慧亦然,當了斯際非智所行。佛往宿世聞是深法,以解寂淨,心無所著。若聞斯典得悅豫喜,曾於無數佛所造行立功勳德,受著心懷、諷誦奉行,以化他人,宣布十方。」

佛復告善思童子:「菩薩當修如是弘誓,世人所在常抱恐畏,勤學至真不當懷懼也;畏難退却當作是解,宣布奉行乃入道慧。」 善思前白佛言:「唯然信樂也,世俗所不信,獨篤無窮,志曠如空,永無所慕。」

佛復語善思:「若菩薩大士志深妙法,斯諸正士以是方便順如佛教,則於道法無所諍訟,以不諍訟,一切諸法則無恐怖,皆不可

斷;一切諸法了之本無,志無所慕,便入道慧。若有聞說一切法 有,不以為怖;若說言無,不以為懅。於有無法,不以增損聞:諸 法應、諸法不應、諸法精進、諸法懈怠。解是一切十方諸法,慧所 歸趣。若無所趣,若復不解諸法有念、諸法無念,不以恐怖;諸法 有為、諸法無為,諸法有界、諸法無界,諸法忻喜、諸法無喜,不 以恐怖;一切諸法亦不有為、亦不無為,一切諸法本有所有、本無 所有,諸法寂然、諸法憒亂,不以恐怖;諸法顛倒、無有顛倒,諸 法虚無、真實無為,不以恐怖;諸法一切有戒、無戒,有明、無 明,有名、無名,有興、無興,有畏、無畏,有牛、無牛,有死、 無死,不以恐怖;諸法有道、諸法無道,諸法有度、若不滅度,諸 法是、非,不以恐怖。所以者何?諸法皆空,虚無不真,猶如幻、 化、泡沫、芭蕉、影、嚮、野馬; 夢中所見, 本無從來、去無所 至;猶如虛空,忽現雲霧塵烟灰等,託現虛空不能為垢,忽然便 滅,虚空自然亦無所淨。有道無道世俗慧明,普解自然乃無所著。 了無所了,乃應道慧無上正真,無所恐畏心不懷懅。」 佛於是頌曰:

「諸法無所有, 自然虛不真, 其自然虚無, 是相便滅度; 斯亦無所有, 諸法無所諍, 以了諸法無, 達不有自然。 是亦無所有, 所諍訟諸法, 以曉法虚無, 則解不諍訟。 本淨永無形, 諸法無所有, 本淨不可得, 亦無所忘失。 斷一切諸法, 故曰為明智, 斯謂永毀壞, 亦現無所壞; 計亦無起立, 諸法無所滅, 亦多無所壞, 法亦不可得。 諸法本虚無, 亦不可得見, 設使無所得, 方便現所有; 諸法無所有, 因緣從對生, 班宣於經典。 所有無所有, 示現無所諍, 諸法能相應, 不諍為自然, 究竟無有形; 諸法無所應, 無作不滅度, 如是不可得, 常離干諸數。 諸法不可得, 亦無有過去,

其哉永無實, 乃曰本直際。 諸法皆悅豫, 亦不可悅喜, 若法不可得, 彼亦無言說。 諸法無放逸, 二俱無所有, 自然無可取, 是為深妙相。 諸法不可知, 無我而自然, 以解無志求, 至於自然號。 無為無所樂, 彼亦無所有, 用有無明業, 因號曰無為。 若念於諸法, 究竟不可見, 此則真實言, 故名曰意念; 不念於諸法, 無住無所歸, 是號法中法。 了斯無眾生, 一切法猶幻, 其幻無所有, 以法無明故, 因官說生死。 諸法無形貌, 是其自然義, 若無有諸法, 解脫無解脫。 假號日境界, 自然無境界, 故名曰部界。」 愚冥所倚著,

佛復告善思:「色、痛、想、行、識,空本無所有;眼、耳、鼻、口、身、心,空本無所有;地、水、火、風,空本亦無形;因緣合成,猶如五事,成其屋宅。何謂為五?一曰材木,二曰瓦草,三曰土塹,四曰人功,五曰泥水,以是五事乃成為屋。本各別時都無屋名。因緣合成,身亦如是。五陰緣對便有四大,因名曰身。地水火風各緣來合,猶屋四柱四壁皆因緣會,合成散壞皆無處所。猶如夢中見屋宅城郭、樹木華實、流水田地、犁牛諸種,下其五穀,各隨時生,人主用意獲之自給。心神無明,不達一切三界皆空,因倚望求便生意識,十二牽連往來問旋,輪轉無際勞於神識,沈迷五趣無懈息時。不解本空如夢所見,覺不知處何所歸趣?至成正覺,乃了五趣本無處所,獨步無畏。」 佛於是頌曰:

「色痛想識空, 眼耳鼻口意,本寂無所有, 地水風火異; 了界得自在, 班宣無部章, 所言上佛土, 其境滅度想。 諸法各有形, 本亦無合會,

不曉知空寂, 其本無有身; 無得不可遠, 從緣對合成, 無獲不可致, 又現望得生。 在彼不修戒, 亦復不犯禁, 無行無有戒, 是為諸法相。 諸法無所有, 因無明而生, 以有無明法, 便造明達智。 諸法假有名, 是名無所有, 乃名曰滅度。 假號無有法, 所起無所生, 因現有五陰, 其陰無所見, 因號有所現。 所有無處所, 因變示有法, 長無牛死難。 法離牛死業, 如幻師化形, 愚冥謂有人, 明者不為迷。 所有無所有, 法生無所生, 慧者無是計, 諸法皆悉空, 愚者不解此。 便當有終沒, 法適有所生, 其生及病死, 捨是無所畏。 諸法一切空, 法亦無所歸, 善思當了斯, 是佛所演法。 正覺無所作, 則為不可逮, 若不得消處, 乃見三界事。 若望想佛道, 則不求正覺, 若行志存道, 永不浩無想。 諸生死自然, 不觀自然法, 自然無所有, 是為無為想。 究竟無所生, 所說不可得, 以行無明業, 因示無為法。 以懷來眾義, 諸法則自然, 便無諍訟事; 彼悉無所生, 彼無不奉行, 所宣深妙法, 用一切起生, 菩薩行愍哀。」

爾時善思以偈答世尊曰:

「佛興出現世, 皆用愍我等, 身以為疑網, 宣布是法義。 佛出無思議, 為具足興變, 以壞魔羅網, 說除六十二; 以絕生死元, 因坐佛樹下, 永無有沈吟, 宣消眾想著; 解暢虛偽業, 能仁滅諸見, 勇猛為世俗, 斷我眾狐疑。」

爾時世尊告善思童子:「菩薩所行未曾虛妄,多所救護,以恩加濟,無有諍訟,除去眾瑕一切無穢,愍傷眾生行深遠義,不懷望想,世無堅固消去貪欲,以無貪欲蠲棄眾結,常行等心加於眾生,志不虛妄,大慈之行法不可得,修大義吼不捨精進,心行至真不失勤業,無有嬈害奉行忍辱而不諍訟,無所覩見夙夜尊行;善思一心棄于懈怠成就道行,定意正受其心寂靜,修於善慧,一切諸法永無所得,行無所畏心不怯羸,顯發道心行無罣礙,成就如來十種之力,當以何行至殊特業,尊其至慧奉無等倫,遊於十方諸佛世界,行無罣礙度脫一切。」時佛頌曰:

「行無虚妄業, 是諸菩薩辭, 以奉於脫門, 不畏諸礙行。 無行謂正行, 是菩薩之業, 若能解是行, 則無所貪求; 以法救攝之, 諸菩薩所官, 是行為無上。 其無所得義, 則住於顛倒, 言吾行道法, 以住顛倒業, 便得有所畏; 假使有諍訟, 不見諍所在, 明者作是達, 行於無上乘。 是乘無所畏, 大乘最無極, 畏與無所畏, 是亦無放逸; 一切無所有, 眾行中最勝, 設了悉虛靜, 彼行無上道。 斯行甚微妙, 救護一切法, 所濟亦深遠, 消除眾望想; 所行 貌玄妙, 二俱無處所, 若能知本際, 不倚念於法。 法永無眾垢, 亦不離垢去, 是法本清淨, 反宣捨於欲;

而示現邪逆, 愛欲不堅固, 不轉文字業, 斯句為無上。 不著猶如幻, 此則無言教, 以棄反倒行, 便無諍訟意; 一切眾生行, 是實不可得, 若能曉了斯, 此行乃善教。 眾牛以無明, 故日名黎庶, 是道則無上。 眾生法亦爾, 其念及眾生, 是永不可得, 此為第一慈, 歎慈乃無極; 斯乃為大十, 是日世大施, 常慕樂放捨, 乃曰慧道心。 諸法虚無實, 正使不得法, 云菩薩明達, 是日好布施; 解法不可得, 便無所恐畏, 無尊是之法, 乃曰為布施。 法貌不可獲, 佛法不可思, 諸法無所著; 是戒無所犯, 佛十不可議, 此不見諸界, 於戒不望想, 諸菩薩所歎。 一切不可得, 能忍諸眾生, 是法第一忍。」 佛所教訓誨,

佛復告善思:「色空不可得,痛、想、行、識空亦不可得;所謂空者,色則為空,無復異空,痛、想、行、識空,無復異空,四大、五陰、十八諸種、三界本空,十二因緣無則為空,無復異空。現世度世、有為無為,四大皆空,無復異空。色如聚沫、痛痒如泡、思想如芭蕉、生死如夢、識如幻、三界猶化、五趣如影,所以如影,從緣對生。三界本末,欲界、色界及無色界,心意所為,猶如畫師治素壁板,因緣合成。猶如飛鳥飛行空中,菩薩如是,行無望想,旋到十方;猶日宮殿行於虛空,不污眾冥,菩薩如是,獨步三界心無所著;去婬、怒、癡三毒窈冥,猶如蓮華生於泥中不與其合,菩薩如是,在於生死,成最正覺,心淨如空,永無所著度脫一切。」佛時頌曰:

「其心不可得, 則無有諍訟, 若不得眾生, 是為第一忍。 菩薩離懈怠, 其志無所行,

永無所勤修, 乃曰最精進。 其身及心意, 所遣直無邪, 菩薩無所說, 是第一精推; 菩薩化立之, 若有懈怠者, 住第一精進。 無心無所行, 其心不可得, 內外無所著, 若心不可逮, 是則為定意; 心常自勤修, 自然無所有, 無思無正受, 乃曰逮三昧; 所以言定意, 以能作是行, 安住名自然, 是第一定意。 不知慧所在, 何所自然法, 自然及與慧, 二俱無所有; 是法不可得, 斯識行下法, 不以識知法, 自然無所有。 菩薩意堅強, 若有了此行, 行第一之義, 世所無所趣。 眾會無等倫, 為眾而宣法, 無眾生望想。」 斯等雖游居,

佛復告善思:「一切諸法猶如幻化,幻化本空悉無所有,迷惑愚俗自計己身及與他人,悉有所有故沈五趣,敢能曉了是悉無所畏;諸法本末無有內外,以了如是心不怯弱。不難三界三界悉空,若有菩薩曉是本無,獨步三世而無所難,達於生死猶如虛空,無形本亦無名,一切諸法亦復如是無形無名。用無明故馳逸三界,轉輪無際,猶如五事住於虛空不能為垢。自然之故心本清淨,權未即解便有三毒,五陰六衰客塵所蔽,雖有是非不污本淨,心亘開達,暢三世空便入大道。」

佛時頌曰:

「眾牛猶如幻, 其幻無所有, 所宣如是者, 永無所復畏; 己身與他人, 二俱虚無寂, 以能曉了是, 則永無所畏。 其内及外法, 不計有所在, 不難於世俗。 無以怯弱心, 諸法無所礙, 猶如旋虚空, 所至如虚空, 是法為自然。

菩薩無所畏, 若能曉了斯, 分别一切法, 解了眾生行; 彼不得眾生, 其法皆如是, 以剖判諸界, 其界無所有; 是日入道行, 斯曰無上道, 以致此至業, 知眾生心行。 諸界及眾生, 二俱無所有, 以念彼如是, 皆了一切法; 其內及外事, 無合會望想, 以為不除法, 乃曰直本際。 斯法無思議, 乃曰為佛法, 此悉無所有, 悉亦無所成; 所行能如是, 計數無有人, 以無為之慧, 乃曰為佛慧。 是乘為大乘, 普安於一切, 永不畏此世, 世亦無所有; 其在於世界, 普世一切界, 菩薩無所行, 求於無上慧; 佛法不可思, 是法為深遠, 若法無可獲, 是則折佛道。 此一切悉無, 其佛及經法, 若行如是者, 則得折佛道。 以行如是者, 俗人無與侶, 彼乃近佛道。」 其心無所著,

佛復告善思:「若有菩薩大士聞是深經,若讀持諷誦,心不恐怖, 善被弘誓心如金剛,疾近佛樹坐於道場,近佛境界得親至真,無礙 脫門,觀于無為無合會處,到於十方諸佛世界,建習大慈無蓋道 哀,成十八不共諸佛之法,三世最尊慧喻日月,德無等侶慧過虚 空,道明巍巍不可為喻,逮無邊聖無見頂相。若有聞是無限雅典, 以斯深卷為人班宣而信樂者,往過去世曾見諸佛亦不可計。又不輕 慢戲笑之者,佛以豫見觀其人本,早信此經如來久覩。若不信樂習 斯經典,聞之調戲,則外異學、諸魔官屬、放逸之人也。信是法者 是佛弟子,佛則是師為親成就,下其鬚髮而作沙門;其不信者則外 邪業,九十六種反逆道法。」 佛時頌曰:

「見佛坐樹下, 行於真道場,

是慧不可得。 其不信佛道, 其無罣礙法, 究竟不可得, 了法無處所, 是日為解脫。 意入於聖慧, 一切法之王, 諸法及道慧, 非佛之所宣。 有為及無為, 愚所發望想, 諸菩薩無想, 諸佛大聖明。 普觀於斯世, 世悉不可得, 所用曉了世, 是亦無處所。 佛聖及眾生, 於是無望想, 其無思想者, 善哉慈無上。 假使眾牛界, 法界亦復然, 是乃名之曰, 菩薩無所著。 以覩於悲哀, 其哀無形貌, 其哀以無貌, 非愚所了行。 不有無處所, 五事在虚空, 一切俗如是, 是乃無上哀。 其無上正法, 乃曰為佛法, 此無所貪世, 是為自然法; 護世之所照, 其色無所有, 以是無色法, 乃曰無見頂; 虚空無有邊, 普平不可獲, 是為佛正法, 名曰無能觀。 其慧不可逮, 是無上大道, 慧以不可得, 斯無有堅固。 所見若不見, 此際及彼岸, 深解不行斯, 是非妄想求。 念是智慧法, 斯法則平等, 違此佛教法, 則非善親友; 無勤若勤度, 乃曰到虚妄, 其不行平等, 則非善親友。 以發興斯法, 若復滅斯法, 此等諸比丘, 不善思佛教; 以能斷眾苦, 本淨無所有, 如是說法者, 則班宣佛教。」

佛復告善思:「若說諸行皆從習致,用三界習故修道習,有計吾我 故行大慈,修無蓋哀,倚於三界行三脫門,慕四大故,行無常、 苦、空、非身,以生老病死求四無畏,用十二因緣了十二部經,以 十八種行十八不共諸佛之法,用十方眾犯十惡故,行十善求十種 力,用三弊故致三達智,著六情故行六度無極,六通獨步,應病與 藥使濟危厄。佛猶良醫經法如藥,用疾病故而有醫藥,無病則無 藥,一切本空,無形無名亦無假號,心等如空無比無侶,忽然無 際,爾乃應道。」 佛時頌曰:

「其無所住法, 於中習所行, 班盲修消除, 去佛法大猿; 若於斯寂法, 造虚妄思想, 以虚妄之法, 不親沂滅度。 斯為之滅度, 其盲於諍訟, 善思當了是, 斯無正見行; 若有修行道, 官布反逆事, 朋友亂顛倒, 是為學者業。 佛所演講說, 菩薩大名稱, 當來諸就學, 故勸化行道。 若有奉持是, 佛所化深妙, 用一切眾生, 以為供養佛; 若有明智者, 受持是真法, 斯等將來世, 用正法存立。 其不行是法, 心立存思想, 自謂則應慧, 不用餘致道。」

佛說是經時,善思童子,尋時逮得無所從生法忍,忻然大悅湧在虛空,去地四丈九尺。時佛忻笑,五色光明巍巍甚妙,青黃赤白紅紫之色從佛口出,照於十方無量佛土,還繞佛三匝從頂上入,六反振動是三千大千世界,上虛空中,天雨細擣栴檀香、木蜜眾香,雨天好華晃耀人目,箜篌樂器不鼓自鳴,莊嚴虛空周匝十方靡不校飾。此三千大千世界,羅列諸寶交露屈奇,妙帳高閣樹木,流水浴池,五音俱發和雅悲哀,聞見此變莫不悅豫得未曾有。賢者阿難即從坐起,偏露右臂更整衣服,長跪叉手前白佛言:「以何緣笑?既笑當有意。」以偈歎佛:

「聖尊未曾妄, 大明不虛忻, 慈愍世雄說, 何緣而忻笑? 天處虛空中, 供養人中上, 各口而歌詠, 快哉宣經典。 如高燈電光, 若干色微妙, 斯耀亦如斯, 光光照遠近。 如諸佛之法, 授與正道決, 還繞身三匝, 忽沒於頂上; 聖尊笑輝燿, 若干種光色, 出佛口入頂, 唯說此瑞意。」

爾時世尊,為賢者阿難說頌曰:

「善思族姓子, 造立德無量, 當成如來覺, 逮致天人尊。」

佛語阿難:「是善思童子,當值不可計會億嫁兆佛,世世隨侍未曾遠之,常用至心供養諸佛,衣被飯食、床榻臥具、病瘦醫藥;佛滅度後供養舍利,興眾寶塔高四萬里,以持舍利著眾寶塔奉事供養,以好名香眾華衣服、眾妙若干種寶、伎樂幢幡、栴檀雜香,以解脫華及眾繒綵,以用供事諸如來、至真、等正覺。最後末世當得佛道,號無垢光如來、至真、等正覺、明行成為、善逝、世間解、無上士、道法御、天人師、佛、世尊。」爾時大聖,即說頌曰:

「若以眾雜寶, 充滿十方界, 以用施諸佛, 護世眾如來; 若聞是經典, 德多過彼施, 住力講說法, 護世照三界。」

爾時舍利弗聞佛所說,歡喜心悅得未曾有,念佛至聖德踰須彌,慧超三世,道不可比如空無侶,探古知今所覩無限,智明曠然無以為喻,救厄通明猶空無際一切蒙慈。時舍利弗,念佛恩德恭恪說偈,而歎頌曰:

「是經甚微妙, 護世之所宣, 不說其名號, 云何知其稱? 古來未曾聞, 班宣於斯法, 彼不得住處, 甚哉說法快。 假使有漏法, 及與無漏法, 計亦無所得, 甚哉快說法。 若令有為界, 及與無為界, 斯二無所積, 是經歸如斯。 護世盲妙法, 道行下直教, 親不得處所, 此經義如是。 所說諸佛法, 於斯無所數, 吾我不可得, 甚哉快說經。 設使十方世, 自然無所有, 護世之所官, 未及此經趣。 唯愍世宣之, 人中最願演, 班官是經名, 今所未稱號。

佛告舍利弗:「是經名『頂王』,當共傳號。大智當了,所以名頂 王。如須彌頂皆見四天下,解是經慧,得四無畏無上大道,無生老 病死,度三界厄,若世人好喜是法,十方靡不蒙濟,故名頂王。常 奉持斯,若有持此佛所宣經,當為世護諸天人民百萬億眾,興無數 德無上正真,不為緣覺及與聲聞。若宣是法,必得成就無極世護, 以得聞法深難究暢,處處演義,解了是法深奧無上,當得成佛。以 能奉持,於一切法無復狐疑。若受斯經所宣至化、所喻頂王,不但 當得第一法忍,第二第三具三忍法。其法不可得,道無處所無所光 顯,乃布大道於一切法。此人無欲現在無求,若持是經佛所班宣頂 王言辭,諷誦化人福不可量。若有女人受持斯經,以行智慧疾得殊 勝,捨女惡態知一切一,以知眾一便持是法,班宣斯經入諸行業, 明了一切諸所歸趣。以入此法說多所照,知若干品所行精進,無數 眾人悉受道教,本空無法所可班宣,皆無處所悉不可得。所以者 何?本末空故。從古以來義不可逮,一切法然,奉持是門法無可 得,則不有無是本淨法,乃名執持。其慕斯光無量普明,當以隨時 講是《頂王》,廣求法界志斯光目,不得境界乃曰執持。諸法甚深 法不可得,若不可得則不有無,辯才具足志存佛道,覺亦若斯。以 暢經義無卷無形,如龍化生,先興其雲然後乃雨。心無從來因緣合 成,斯慧無形是無思議,若欲宣布無央數法,當學斯經。解一切 空,無所著法,思惟經典不知從來,所說甚善。斯法無生如經所 傳,其光玄照猶如日明,光無從來去無所至。經典如是,照諸所有 令無所有。若有比丘執持辯才清淨無斷,當以至心學是《頂王》, 因法光明所耀無量諦廣布法,疾得遠入無礙辯才。以學《頂王》饒 益世俗,其不學此不知法味;無玄妙典《頂王》無上,若不奉是遠 佛法教。

「諸比丘眾、若比丘尼,若不從是法典訓誨不歸義趣,其不求是不至正真。若有比丘、比丘尼求歸是法,為一切世而作法因,一切諸

法悉不可喻。猶如有人住忉利天,處天宮殿悉見天下。學斯經者,普超眾生濟度一切,若住須彌頂,在於其上觀察天下。斯經如是,解暢諸法覩一切無,開導眾生。猶如有人執大炬火,入于冥室消除窈冥;斯經如是,以法光明普照諸法,習持是典未曾遭冥。猶如日光,出照天下靡不周遍;斯經如是,以道法明咸耀三界,一切眾生示以道慧。猶如月殿,遊行虛空而不休廢;斯經如是,照十方界一切蒙荷。是則法印印一切法,建立此印為諸菩薩。又計其印,猶如虛空悉無所有不可令有,虛空及印是二無望。佛與正法亦復如是,班宣是經亦無所說;猶如國王所愛敬子,欲立太子任以國財。

「王告大臣: 『以是洪業付其太子, 又斯聖財天下國土, 一切萬民 委任係後。』諸臣奉命。今斯經法亦復如是。善思童子從佛啟受, 當以授與無數菩薩使入上法,佛以建立是經法要,諸菩薩故也。熾 盛德本,若以手執福不可量,其持是經所宣頂王,不當疑是不成正 覺。欲逮辯才於一切法而無所著,當學斯經所宣頂王。所云世法是 則正道。所以者何?俗人信道,若入此經或復不信,用聞經恩會久 成道。若受是經廣為人說,皆謂至賢,普世諸人莫能虛欺,解諸佛 法饒益眾生,世護無上,若說是經,諸天億千住於虛空,而嗟歎 言:『善哉正覺!所宣甚哉!難及難及。』乃說妙典,是舉道英慧 英,所益不可思議。若四句誦為人講說,若復精學無央數經,以是 深法不可思議,廣為人說,其人蒙慈,為與佛談愛樂聖典,以為宣 傳斯頂王法,訓誨經典無上道要,是乃名曰不可思議。」 佛告阿難:「若有奉受如是像法純淑經卷,持諷誦讀,若有比丘、 比丘尼、清信士、清信女、能從啟受持諷誦讀,其德無量功不可 限,莫能稱載得崖底者,猶如虚空不可得際。如是,阿難!若受是 經雖不能多,受四句頌諷誦宣布為他人說,福不可計德無崖底,無 邊無際不可為喻。」 佛爾時頌曰:

「虚空尚可度, 眾想可窮說, 斯功德福祐, 不可竟盡極。 奉十方世界, 諸無上護世, 為供斯諸佛。 若有受持是, 若親諸神誦, 舉十方世界, 不如聞此經, 普奉是諸佛。 其於十方世, 棄捐第十業, 以斯奉事佛, 聞不如供養。 若供諸滅度, 及當來下覺, 於今十方十, 現在天人尊;

一切有為業, 歸大仁師子, 若持是經卷, 正覺所宣說。 若以衣食養, 斯非精智慧, 其有持是業, 此慧供無上。 一切十方世, 滿中眾珍寶, 以施諸正覺, 是福不殊特; 其有學是經, 頂王所班宣, 斯供養諸佛, 是所官第一。 我所宣經典, 不著諸佛道, 欲供養如來; 其心倚於是, 其不倚世俗, 是第一奉事, 是乃曰供養。 都無舉無下, 一切不可得, 其佛正覺法, 是第一禮敬; 如來所班盲, 其定光諸佛, 所供養奉事, 是第一供養; 見諸菩薩法, 是供養第一, 如奉佛世尊, 從其授決已, 當得致正覺。 欲住於佛道, 正覺眾生尊, 習是清淨法, 則供養導師; 以如是供養, 得道無所至, 愍眾生奉法, 皆趣一切慧。 十方諸佛法, 護世所敷演, 是皆歸趣正, 是第一供養。 已得入佛界, 佛慧不可議, 亦如我今日; 便能師子吼, 在諸法勇猛, 因其師子吼, 滅度無有漏。」 濟脫億載眾,

佛復告善思:「受斯經典宣布十方,一切受持奉行正法,無極大慧開示同學,令得習行六度無極救於三界。若族姓子及族姓女,受是經典為他人說,德不可量,猶如虚空不可限度。」 佛說如是,善思童子一切聖眾,諸天龍神、諸阿須倫、世間人民,聞佛所說莫不歡喜,作禮而去。 佛說大方等頂王經

CBETA 贊助資訊

(https://www.cbeta.org/donation/index.php)

自 2001 年 2 月 1 日起, CBETA 帳務由「財團法人西蓮教育基金會」承辦,並成立「財團法人西蓮教育基金會」- CBETA 專戶, 所有捐款至 CBETA 專戶皆為專款專用,歡迎各界捐款贊助。

您的捐款本協會皆會開立收據,此收據可在年度中申報個人或企業的綜合所得稅減免。 感恩諸位大德的善心善行,以及您為佛典電子 化所做的一切貢獻。

信用卡線上捐款

本線上捐款與聯合信用卡中心合作,資料傳送採用 SSL (Secure Socket Layer) 傳輸加密,讓您能夠安全安心地進行線上捐款動作。

前往捐款

信用卡 (單次 / 定期定額) 捐款

本授權書可提供單次捐款或定期定額捐款之用途。

請於下載並填妥捐款授權書後,請傳真至 02-2383-0649,並請來 電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 授權書 (MS Word 格式)

劃撥捐款

郵政劃撥帳號:19538811

戶名: 財團法人西蓮教育基金會

欲指定特殊用途者,請特別註明,我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務,提供網友能在線上使用信用卡或 PayPal 帳戶贊助 CBETA。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜,由於付款幣別為美元,我們除了會依您所贊助之美元金額開立收據外,另我們會依捐款當日公告匯率開立台幣收據,此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

<u>線上信用卡 / PayPal 贊助</u>

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex-cheques, remittance, etc.,) please entitle to "The Seeland Education Foundation".